


Bibilia cuna Anapiana

Anhacupangisa



Cuzulu,
Cunhumba
yacubhalica
ya Mulungu



Anhaculemba: Edward Hughes

Anhacupangisa: Lazarus
Alastair Paterson

Anhacusangula: Sarah S.

Anhcuchinja Mulongero: Sarifo Buramo Cheia


Anhacuphica: Bible for Children
www.M1914.org

©2020 Bible for Children, Inc.


Lemba apa mulankhulu udhaphatisewe
basa pacuchinja chithancano ichi.



Yesu picakhala iye pazico yapansi apanga atewerereri
ache na piacuzulu. Iye athula cuzulu zina,
"Cunhumba ya Bhabha Wanga", mbalonga pina
cuti, cueco cuna nhumba zizinji.
Mbuto ziculu nazacubhalica
zirico. Cuzulu cwacula
nacubhalica cacamwe
cupiringana mbuto
ipi piao yapazico
yapansi.



Yesu alonga, "Ndiri cwenda casasanha mbuto cuna imwe. Ndicaenda casasanha mbuto cuna imwe, ndinabwera pina zacucwatani cuti mukhale naine."



Yesu aenda cuzulu, pidhamala Iye culamuca mwa ale acufa. Picacwira Iye cuzulu, atewerereri ache acaona, natenepa macuta acuzulu amphimbira cufikira abhisalica maso mwa atewerereriache.






Cubhulukira pepale cufikira nalero, macristu
asanherezera chipikirwa cha Yesu cha cubhwera pina
cuza caacwata. Yesu alonga cuti Iye anazabwera
mwacututumusa, nkhabe munthu
anazapiziwa. Pinachiticambo tani
cuna macristu anafa, Yesu asati
abwera? Buku isalonga cuti
anafa ale, asaenderatu
cakhala na Yesu.

PACWECHA NA
MBUYA


ndi cukhala PACWECHA
NA MBUYA.



Chioneso, buku yacumapeto ya Bibilia, isatipanga
nacubhalica cacamwe cwa cuzulu. Chinthu chiculu
chacubhalica cacamwe, na njira yacusiana ndi
chacuti, Cuzulu ndi cunhumba yaMulungu. Mulungu
ali cwansenekwene,
mbwenhe mpando
wache Mulungu
ali cweco
Cuzulu.



Ngirosi na pinangombo
pinapuma pisacuza Mulungu
Cuzulu. Anthu ansene
aMulungu adhafa, ayenda
cuna Mulungu. Awene
asaimba nhimbo
zacusiana
cucuza
Mulungu
cuzulu.




Awa ndi mafala mangasi anhimbo zinaimbiwa Cuzulu:
IYE UNACUZWA THANGWI WATICONONDOLA
CUTIYENDESA CUNA MULUNGU
NA CHIROPA CHACO CHIDHA
YERERA CUNA MAZINDZA
ANSENE, MBUTICHITAMBO
MAMBO NA ANHANSEMBE
CUNA
MULUNGU
WATHU.
(Ap.5:9)




Pasamba yacumalisira ya Bibilia, isalonga tangwi yacuzulu ninga "Jeruzalema Itswa". Ichi ndi iculu cacamwe, namafufu aculapha maningi cunja. Mafufu awa ndi amiyala yadhidhi nayacunhetuca cacamwe. Miyala yacubhalica na ntengo wapazulu cacamwe ndiyo

iri mpansi pamafufu,

mbazozwa
namintundu
yacusianasiana.
Nsuko ubhozi
na ubhozi wa
thaundi wachitwa
na pinthu piculu
piacubhalica cacamwe!




Misuwo inere yacubhalica na cuwanga nkhabhe fungwa tayu. Mbatipite nkati tione... CHII! Cuzulu, nkati mwache ndimwacubhalica cacamwe. Thaundi njacumangwa na oro wacusucwa, ninga supeu. Na njira zache ndi zacumanwa na oro bhasi.




Nhanza yacubhalica, yacuoneca pacwecha ya mazi aupenhu asayerera bhulukira pampando waumambo waMulungu. Cunkhundu cwa nhanza cusaoneca muti waupenhu, udhatomwa cuikhwa muMunda wa Edeni. Muti uyu ndi wacusiana cacamwe na miti inango. Muti uchu usabhalo misapo khumi na miwiri yacusiana-siana. Misapo yacusiana-siana mwezi ubhozi na ubhozi.

Masamba amuti uchu waupenhu asaphatabhasa pacuwangisa




enthenda
za mazinza
ansene.

Cuzulu nkhabhe funica zuwa na mwezi cuti cukhale na chieza. Mbiri yaMulungu yacwana cuti izaze na chieza chiculu cacamwe. Cuzulu nkhabheco masicu. Ndi cwacuchena bhasi.



Napinhamapiene piansene piacuzulu ndi piacusiana. Pinhama piensene ndiuchamwali mwawo. Mabhinzi na mabhira asadya sanga ansene. Na pai nkhalamuene asadyambo sanga bhasi, ninga mbuzi. Mbuya alonga, "Iwo nkhabhe cuzabhlusa chiropo peno cufudza na phiri yanga yansene yacuchena."



Ifé ticafungula maso mbitiona mwadhidhi, tinaona
cuti pana pinthu pinango piasoweca Cuzulu. Mafala
acupinda nkhabhe veca
tayu. Nkhabhe
munthu cuti
alicumenhana
peno
cukhala
naucundi.




Cweco Cuzulu nkhabheco nkhambala zacumanga
misuwo peno misuwo yachiene, thangi Cuzulu
nkhabheco mambava. Cweco nkhabheco nthatawa,
anhacupha anzawo,
afiti peno
anthu
anango
acuipa
ntima.
Cweco
Cuzulu
nkhabheco
na ntundu
ubhoziene
wapiacuipa.



Cuzulu na Mulungu
nkhabheco misozi.
Namizizi inango anthu
aMulungu asalira
nathangwi yacuvacupha
cuculu muntima paupenu
uno wapazico yapansi.
Cuzulu, Mulungu
anazapucusa misozi
ya anthu ansene.



Cuzulu nkhabheco cufa tayu nalini. Anthu aMulungu anazakhala na Mbuya cwenda na cwenda. Cunazakhalave nacuthabhuca tayu, culira cunazamaliratu, nacuvacuphambo cunazaonecave tayu. Nthenda, phwando za anthu zinazaonecave tayu. Anthu nkhabhe cwendave cumasiye tayu. Munthu wansene Cuzulu ali wacucomerwa cwenda na cwenda na Mulungu.



Piadhidhi cacamwe ndi piacuti, Cuzulu ndi cwa aphale na asicana (na anthu aculumbo) ale adhatawira Jesu Cristu ninga mpulumusi wawo pina mbanvesera ninga Mbuya wawo. Cuzulu cuna buku isachemerwa, BUKU YAUPENHU YABHIRA. Buku ichi idhazala namazina anthu. Iwe usapiziwa cuti ndi mazina aani ali mubuku inere? Mazina anthu ansene anatambira nacuthemba Yesu.

Codhi iwembo, zina yaco ari mwemule?



Mafala acumalisa amubuku yaMulungu-Bibilia, na thangwi ya Cuzulu ndi cuchemerwa cuculu cacamwe. "Pina, Nzimu na mwanakhode asalonga, 'BWERANI!' Pina, lecani ule anava alonge 'BWERA!' Pina, leca ule ananhota abwere. Pina, ule anafuna, musie acwate

pezi mazi
aupenu."

BWERANI!



Cuzulu, Cunhumba yacubhalica ya Mulungu

Chithancano chafala yaMulungu, Bibilia,

Chisaonecwa mu

Juwau 14; 2 Corintu 5;
Chioneso 4, 21, 22

"Mapitiro aMafala Anu asapasa chieza."
Salmu 119:130





CUNKHOMO



Chithancano ichi cha muBuku chisatipanga na pia Mulungu wathu wanculu adhatichita ife, Mulungu Ule anafuna cuti iwe umuziwe.

Mulungu asapiziwa cuti ife tachita pinthu piacuipa, pire pinachemera Iye picadho. Mbairo wapicadho ndi cufa, mbwenhe Mulungu asacufuna piculupiene, Iye atuma Mwana Wache mbhoziene basi, Yesu, cuti afe paNtanda, mbaoneswa nhatwa nathangwi yapicadho piaco. Bhuca pepo Yesu akhala pina maso mbabwerera cunhumba Cuzulu! Iwe ucantawira Yesu mbumpidhiri cuti aculekerere piacuipa piaco, Iye anapichita! Iye anabwera mbakhala muncati mwa iwe chinchino pano, pina, iwe unazakhala na Iye cwenda-na-cwenda.

Khala iwe wapitawira cuti ipi ndipiodhi, longa tenepa cuna Mulungu: Yesu wacufunica, ndatawira cuti Iwe ndiwe Mulungu, mwachitica munthu cuti mufera piacuipa pianga, chinchino imwe muli maso pina. Ndapota, bwerani, mupite muntima mwanga, ndilekerereni madhawo anga, cuti ndikhale na upenuh utswa chinchino pano, pina, nsicu ubhozi ndizakhale na Imwe cwenda na cwenda. Ndiphezeni cuti ndicuvereni pina ndikhale Wanu ninga mwana Wanu. Amen.

Werenga Buku, longa na Mulungu nsicu zansene! Juwau; 3:16

